



ABDUL Main Ahmad, 70, mengalihkan basikalnya untuk diletakkan di tempat selamat berikutan rumahnya mula dinaiki air di Kampung Haji Abas, Baling.

Banjir angin timuran bertiup lemah

Kuala Lumpur: Banjir yang berlaku di Baling, Kedah sejak kelmarin bukan berpunca akibat perubahan Monsun Timur Laut atau musim tengkujuh, sebaliknya disebabkan kesan angin timuran yang bertiup lemah.

Ketua Pengarah Jabatan Meteorologi Malaysia (MetMalaysia) Datuk Che Gayah Ismail berkata, analisis terkini model cuaca numerikal menunjukkan tiada jangkakan hujan lebat monsun dalam tempoh antara 11 hingga 17 November ini.

"Apa yang berlaku di Baling (banjir) bukan disebabkan tengkujuh. Ketika ini, kita jangkakan

angin timuran yang lemah bertiup.

"Hujan dijangka berlaku di kawasan pantai negeri di pantai timur Semenanjung dan kawasan timur Sabah pada waktu pagi.

"Pada sebelah petang dan senja pula, hujan dan ribut petir dijangka berlaku di satu dua tempat di semua negeri Semenanjung dan kawasan pedalaman Sabah serta bahagian timur dan pedalaman Sarawak," katanya ketika dihubungi Harian Metro, semalam.

Mengenai fenomena El Nino berintensiti kuat ketika ini, be-

liau berkata, pihaknya menjangkakan keadaan itu dapat mengurangkan risiko hujan lebat dan banjir besar ekstrem.

"Seperti kenyataan MetMalaysia sebelum ini, kita jangkakan kehadiran El Nino memberi kesan terhadap musim tengkujuh. Kita percaya fenomena cuaca panas ini mengurangkan risiko bah seperti yang dialami pada tahun lalu," katanya.

Menurutnya, dengan keadaan cuaca sekarang, kebanyakan model iklim antarabangsa kini menjangkakan kemungkinan El Nino kuat berterusan sehingga suku pertama 2016.